

Jeimsre Quraŋ

Jeimsji Quraŋine ruame.

Mimitaniŋ

Moreŋine moreŋine oo ŋiŋigo fuŋne fuŋne maŋyaŋuŋ kerisieru qowirieegobi, yoŋore eeboboyaŋunji jijibu fukeko batataŋgaru waki yabeko Anutire tinabiŋeji egu wakiŋ. Ore eru Jerusalem bisop Jeims iŋoji kajeqouŋ buŋo furuine furuine roku qodureru yo quraŋgaga. Kajeqouŋ buŋoine goine oi iŋi: Maŋboronŋ foriine oi uruŋu? Zioz gio foriine eru ikoine. Eesoŋ maŋineo gogo. Goine so ŋone sure yabeinebi. Mi bibiŋaŋuŋ siŋaŋ ganiŋ. Sakiŋaŋuŋ mitenŋ ganimiŋ me maŋ-ŋaŋuŋ bawaki enimiŋ? Kekepari me ogo babapi enimiŋ? Yameŋ keku oŋgawowosi gio bainebi.

Manebuine qoruine oi iŋi: Kristore Biŋe buŋoineji sogueru kuririineke fukeiŋ ore tina osigaru buŋoine kegboreru babeneŋ foriine fukeiŋ me mata? Mi mau bibinoŋunji akonŋ manesiŋ gagobeneŋ mikabeneŋ so sagaga. Zioz gio foriine tomiri, oi zioz komekiine.

Quraŋ yoore mobe qoruine 10 oi iŋi:

Buŋo fuŋfuŋgaine 1.1

Mamanesiŋ eru maŋboronŋ 1.2-8

Ŋiŋigo wakiqoqoine eru tinabiŋeineke 1.9-11

Eesoŋ eru baesoŋ 1.12-18

Biŋe kajeji akonŋ manemiŋ me reŋgamiŋ 1.19-27

Wakiqoqoine oi so ŋone sure yabeinebi 2.1-13

Mamanesiŋ gioine tomiri oi omaine fukega 2.14-26

Namaŋnoŋunji egu sibiri nobeiŋ 3.1-18

Womoo gogo me morende eebobo 4.1-5.6

Yobiŋ osigaru oŋga wosikabeneŋ foriine fukeiŋ 5.7-20

1 ¹ Jeims nonji Anutu eru Ofoŋ Yesu Kristore gio baku gogo. Israel qoko 12 noŋundeone goine ŋoŋo Israel bokeru moreŋine moreŋine

roiŋgaru raru gogobi, nonji ŋoŋoke buŋo mimane ekimiŋ ore quraŋ yo quraŋgaru mijeriŋaŋuŋ migo.^a

Manesiŋ garu oŋga wosiru mamane foriine bofukekimiŋ.

²O maŋkekerisie ogopune, mamanesinde eesoi fuŋne fuŋne paiŋaŋuŋgo ropeega, ore eru maŋ-ŋaŋuŋji so wakiko kiwaqawaineke akon maneru jerieru goinebi. ³Eesoiŋi paiŋaŋuŋgo ropeko oo mamanesiŋ-ŋaŋuŋ sananŋako yameŋ keku koboru dimainebi. Oi manegobi ore jerieru goinebi. ⁴Yameŋ keku dimanimiŋ ine, oiji jikigaru qowirie ŋabeko eebobaŋaŋuŋ foriine sosowo oi kuririineke fukeeiŋ. Oŋu fukeme Anutuŋi seŋgiŋbaŋgiŋineŋi maŋ-ŋaŋuŋ bofuseko mande ya more so basiqasi eru gonimiŋ.

⁵Ŋoŋoreone moŋi “Uruŋu enobo?” miku maŋboronde embimbiŋgaga, iŋoji Anutu oŋga wosiko oi oteiŋ. Anutuŋi yaŋiŋe oi wiriine sosowo noreru urugo so minoreiŋgo maneega. Ore eru oi soine oteme raugaiŋ. ⁶Oŋga wosiŋ, oo nareiŋ, oŋu manesiŋ garu maŋyoka so yobu eiŋ. Moŋi maŋyoka ega, iŋoji koe temboŋ oŋuine rope wakiega. Gbinŋi koe kukugaru kosabasa ra wareega. Ore so egu fukeiŋ ore oŋgawowosiine ore maŋyoka so eiŋoŋ.

⁷Maŋyoka ŋiŋigo oŋuine Ofonŋi ya oteiŋgone so manesuiŋ. ⁸Iŋore maŋi pougako eeboboine sosowo oiji denanŋdenaŋ eru tuturi qaku buŋo raro warero miega. Oŋu.

Wakiqoqoine eru tinabiŋeke gogo

⁹Maŋkekerisie ogopune, ŋoŋore botugo goineŋi wakiqoqoine gobi Anutuŋi yoŋore maneko ropekiine fukega. Ore eru soine ŋoŋo-ŋaŋe mimitenŋ eeinebi. ¹⁰Goineŋi ropekiine gogobiyoŋ, moneŋ meboyaŋunde so manebi ropeega ore eru wakiqoqoine kamasi goku yoŋoyoŋe mimitenŋ eeinebi. Yoŋore gogoyaŋuŋji boro iruine ore so fukeru qaŋiŋ. Wakiqoqoine eru ropekiine noŋuŋ komekimiŋ, oo sogokonŋ fukekimiŋ.^b ¹¹Wegiji waperu boro rigako kaŋkaŋgaku gbaŋjiru iruineŋi mukuru wakiega. Iruineŋi wakiko botuinere mosiine ŋone aŋiineke oiji tatakiine fukeega. Tinabiŋeyaŋuŋke yoŋoji meboyaŋuŋ basauenimiŋ ore oruŋoruŋ keegobiyoŋ, goku boro oŋuine gbaŋjinimiŋ. Oŋu.

Eesoi eru baesoi

¹²Anutuŋi buŋoine iŋi kipeme pega, “Ŋiŋigo maŋyaŋuŋji joŋoko enareegobi, nonji oi gogo sananŋine yareru qoruyaŋuŋgo goul hendiŋ keyarebemiŋ.” Buŋo ore so sembenere eesoiŋi more paiineo ropeko oo yameŋ keku sananŋako tariko gogo sananŋinere resoŋ buresoŋ

^a 1.1 Mat 13.55; Mak 6.3; Apo 15.13; Gal 1.19 ^b 1.10 Ais 40.6-7

raugaru senjirbanjir fukeij. Ijore “Ii-ia kiwaqawaineke!” migobenej. ¹³Sembene Rauineji Anutu eesoi bateinde so, so fukeme Anutuji mo agiburañ eij ore so eesoi bateij. Ore eru moji eesoi mañineo goku inji so miine, “Anutuji eesoi ba nareme agiburañ eijgo ego.”

¹⁴Anutuji matayon, noñunde añinoñuñ sanañine sembeneji bitij oñuine furu nobeko subare budunineo qungakabeneñ agiburande eesoi oñu moakon moakon noñunde fukeegobi. ¹⁵Moji añiine sanañine sembene so kipega, oi agiburañ bofuke ega. Bofuke eme añiine sanañineji kuagaru agiburañ oi odumade oñuine roko fukeegobi. Agiburanji fukeru sogue foreko kome sanañine fuke teega.

¹⁶O yoro ogopune, añiñañuñ sanañine sembeneji so eadu ñareine. ¹⁷Yaun fiine kuririnañuñke sosowo oi Anutuji ruame Sombuñ paibeone fukeega. Kaiñ eru wegi jinoyakuñ waperu petigaru rakabire sasakoyakunji jororu bembene eegayon, tatama sosowore Rauine inoyonje so qopieij. Dabu me sasakoine moji oi ijoreo so pega. ¹⁸Anutuji ya sosowo bofukeya, niño yonore botugo bobosu gariine fukeru gokimij ore maneya. Ore eru inoyonje añinere so buño forinere koruñ mañnoñuñgo sariko oiji fufuke gariine noreko fukebeneñ. Oñu.

Biñe buño omaine manekimij me reñgaru rokimij?

¹⁹O yoro ogopune, buño yo manesuku so niga ñabeine: ñoño sosowo buño maneijgo kaje pipa ruainebi. Buño kosa oi pipa so miinebi. Mañ-ñañunji pipa so rigañgaigoñ. ²⁰Anutuji eebobo poretij ekiminde añiine maneegayon, mañririganji oi so kesoeega. Ore eru mañririgan bokeru buño waigo miku goinebi. ²¹Penaron fuñne fuñne eru eebobo wuwunujinekeo qakatogobi, oi bio bokeinebi. ñoño qoqomukuñañuñ bokeru Anuture buño rurumaño raru buño koruñ mañ-ñañuñgo sariega, oi maneru sabareku goinebi. Oñu ekabuñ buño oiji soine munañ qa ñareko qowirieru Sombuño ropenimij.

²²Biñe buño oi omaine yobu manebi foriine so egu fukeij. Oñu keoma eru egu eadu eenimijyon, buño oi kegboreru goinebi. ²³Moji buño omaine yobu maneru oñu so eega, inoji ñi yoore so fukega: Moji jinjo maiine kukurao (hawario) ñone eega. ²⁴Ñone eru bokeru mogo raru kamasiine uruñune, oi pipa niga gaega. ²⁵Oi fiine matayon, moji kadi buño kuririineke ore kaje ruaru bibititari eku oo qakatoru agiburande nigijgone keñgoronjaega, ijore eeboboine ore “Ase kiwaqawaineke!” mikimij. Inoji buño maneru oi so niga gaegayon, oi ofori reñgaru ore so eega.

²⁶Moji mañkekerisiere kekegbore eijgone miku mi bibi sisiine so siñañ garu inoyonje oñu eadu ee eega, ijore mañkekerisiere Biñe gioineji ya omaine, foriine so fukeega. ²⁷Anutu Mamagore jinjo maio mañkekerisiere Biñe gio gbagbatañine keomaine tomiri bañgone mige ine, inji baigoñ:

Begu mosij eru koje konkon paiineo gogobi, oi raru none yaberu mango eyareko goigon eru morende eeboboinere penaronjineji mango egu kejjigain ore sisinjan eru goigon. Onu.

Wakiqoqoine oi so sure yabenij.

2 ¹O mankekerisie ogopune! Yesu Kristo Ofojononun kobiineke manesij ganimij ore migobi ine, nijigo goine so none anj eyareku goine so sure yabeinebion, somesa moakonjo osoe yaberu goinebi.

²Ore soso bujohne mo oi inji: Ij tinabineineke moji, me sisiine goul manguineke eru kamban marikuine none anjineke, injoji bujo piyanunjo ropeko ij wakiqoqoine moji sakikomoneine sugakiine wunujineke injoji onuakon ropena. ³Ropebire nono ij yoine none anjineke oi kepare teru inji minimij, “O sogunenonun, go soine miineo paibe raru neje rongunjineke oo nejigon.” Onu miku ij wakiqoqoine oi noneru taki eru minimij, “Go soine qanajineo raru dima me kufu rongunjo wakiru nejigon.” ⁴Mosi onuine fukeko nono kufufun botunanunjo gan ruge ruaru boroinga eeru qaqosori eru bujonyanunke fukegobi. Mamanesunanun sembene boyoberu mimitari nijigo kekesiine fukegobi.

⁵O yoro ogopune, manenij! Anutuji qorumanjine nijigo manjoko eteegobi, yonore binje einjo ore bujohne misananganu kipeya. Bujo ore so goineji moren nijigo yonore jinjo wakiqoqoine fukegobion, Anutuji oi injoyonde rosoe yabeko mamesinjanunde eru ropekiine fukegobi. Yonoji qorumanjine manjo ropebi sinan yabeko meboyanunke fukenimij.

⁶Fofori ropekiine fukegobion, nono nijigo wakiqoqoine titiki none yaberu gogobi. Nijigo tinabineyanunke yonoji nono monej mebonanun tomiri ore bawaki naberu jikiboti enarebi wakiqoqoine fukeegobi. Yonoji nono furu naberu bujo koroine koroine oo ropeegobi. ⁷Nono Kristore binje fukebi tina fiine sari oi nareru ore so minareegobion, tinabineyanunke yonoji mankekerisie (kristen) tina oi kosa misembearu kisongaru ra wareru miegobi? Morende ropekiine yonoji oi sosowo baegobi.

⁸Onu baegobion, nonoji Anutu qorumanjine kadi bujo qoruine renjaru boyobebi sagain. Anuture bujo oi Binje Quranjo inji pega: “Gake manji jojoko eege, ore so nijigo goine onuakon mangoo manyanun eyareru manjoko eyareigon.”^c ⁹Oiji sagainyon, nono nijigo goine none anj eyareku goine sure yaberu somesa moakonjo so eyareegobi ine, agiburan baegobi. Anuture kadi bujo kigabi injoji bujonanun oi bofukeru mitari narein. ¹⁰Moji kadi bujo sosowo renjaru boyobeegayon, oone mimipan bujo moakonjo wakiru qaga, injoji kadi bujo sosowo kigaru bujohneke fukega.

^c 2.8 Lew 19.18

¹¹Ore fuɲine oi iɲi: Anutu “Boesau so eigonɲ,” miya, iɲoji oɲuakon mimipaɲ buɲo iɲi mitigaya, “Mo so qande komenonɲ.” Go boesau so egeyonɲ, jibu mo qande komega, oo kadi buɲo sosowo kiga foreru goge.^d ¹²Anuture kadi buɲo oi agiburande niginɲgone keɲgoronɲgaru gokimiɲ ore pega. Anutuɲi kadi buɲo oo osoe noberu buɲononɲuɲ mitarime posikenimiɲ ore manesuku buɲonɲaɲuɲ ore so miku goinebi eru eebobonɲaɲuɲ manjijojoko paiineo eku goinebi. ¹³Moɲi ɲinɲigo manjijojoko paiineo so ɲonemaɲɲ yareru goiɲ, Anutuɲi iɲore buɲo osoeru ɲonemaɲɲ paiineo so mitari teiɲ. Moɲi ɲinɲigo manjijojoko yaduru goiɲ, Anutuɲi oi osoe teru soine ɲonemaɲɲ oteme kiwaqawaineke fukeru sakiine ba ropeiɲ. Oɲu.

Mamanesiɲ foriine tomiri oi komiine fukega.

¹⁴O maɲkekerisie ogopune, moɲi “Yesu manesiɲ gago,” miku ore gioine so bako mamanesiɲine oiji uruɲu bapi gana? Buɲoineɲi akonɲ manesiɲ gako Anutuɲi ɲoneru munanɲ qame qowirieiɲ me mata? Oi mata! ¹⁵Ore buɲoine mo oi iɲi: Maɲ-ɲaɲuɲ kerisiebuɲ, ɲoɲore botugo ɲinɲigo moɲi kambaɲ kereɲ ore embimbiɲgaru basiɲasi eku una moakonde so uqo munjaɲine tomiri gona. ¹⁶Oɲu gokame ɲoɲoreone moɲi iɲoke qotureru sakire kikitɲɲ so oteru iɲi ojime manena, “Go soine raru uqo munjaɲ nogu misi furaku waigo ɲeigonɲ.” Buɲo omaine oi maneko oiji uruɲu bapi gana? Oi mata yobu!

¹⁷Oɲuakonɲ mamanesiɲ omaine yobu oi komiine fukega. Mamanesiɲ gioinere foriine so бага ore mamanesiɲineɲi qonɲbuɲ oɲu fukega.

¹⁸Moɲi iɲi mina, “Goɲi maɲgo kerisiende nonɲi eebobo poretiɲ boyobeego.” Nonɲi ore eru iɲi gajigo, “Goɲi ‘Anutu manesiɲ gago,’ miku ore gioine so bako omaine mamanesiɲgore foriine uruɲu nadunonɲ? Nonɲi maɲkekerisiere gioine babe ɲonende oiji soine nakene mamanesiɲnere foriine gaduiɲ.” ¹⁹Go “Anutu moakonɲ goga, oi manesiɲ gago,” mige, oi fiine! Gemokaku yoɲoji oɲuakonɲ oi manesiɲ gagobi. Oi manesiɲ gagobiyonɲ, oiji kukuga yareme Anuture maɲyaɲuɲ yoyowogaega.

²⁰O ɲi maɲgo tomiri, go gemokaku yoɲore kamasi oɲu manesiɲ gaege me? Mamanesinde gioine so bande foriine so fukeko buɲo oi omaine yobu minde mamanesiɲgoɲi ya omaine, foriine tomiri fukeega. Ore fuɲine oi soso buɲone oiji gaduga me mata? ²¹“Mata!” egu mimiɲ ore eru soso buɲo mo mibemiɲ. Mamanesinde fuɲqodunonɲuɲ Abraham iɲoji poretiɲ uruɲu fukeya? Iɲoji Anuture mi reɲgaru madeine Aisak ogagaru raru korogo ruaru oo boɲi rigaiɲ ore eya. Oɲu eru mamanesiɲ paiineo gio bako Anutuɲi oi ɲoneru buɲoine mitarime posikeya.^e ²²Soso buɲo ore fuɲine oi ɲone taniɲgaga me mata? Abrahamɲi manesiɲ garu buɲo akonɲ

^d 2.11 Eks 20.13, 14; Dut 5.17, 18 ^e 2.21 Jen 22.1-14

so miyayon, mamananesiη paiineo dimaku ore mosiine onuakon qame mango eteko sagaya. Eebobo poretiη eba eku gokame mamananesiηineji onu sogueru kuririineke fukeya.

²³ Biηe Quraηgo buηo mo oi iηi pega, “Abrahamji Anutu manesiη gako tinaine Iηi Poretiη miya.” Buηo oi ronekoη foriineke fukeya ore so oi quraηgabi goineji Abrahamde tina “Anuture ogo,” onu mibi miku gobuη.^f ²⁴ Posiine fukekiminη ore mamananesinde buηo oi minoηunji akonη mikabeneη so sagaga. Mosinoηunji mamananesinde eebobo foriine ekiminη ine, Anutuji buηonoηunη mitarime posikekiminη. Binaηneji ore fuηine naduga.

²⁵ Soso buηo mo oi onuakonη mikabe maηkekerisie giore fuηne oi gaduinη: Israel yoηoji moreη ηone mukunimi ore ηi yoyoka sore yapebi rabire kadi sogo ηigo tinaine Reihab iηoji oga yaperu mango eyateru kadi mogo rua yapeme rabu. Iηoji mamananesinde eebobo onu eko Anutuji oi ηoneru buηoine mitarime posikeya. Onu.

²⁶ Nonji buηone yo iηi mitaribeminη: Iηi iiruine tomiri oi qoηgbuηine. Ore so mamananesiη gioboboine tomiri oi komiine fukega. Onu.^g

Namaηnoηunji egu sibiri nobeiη.

3 ¹ O maηkekerisie ogopune, ηoηoreone kokoineji maη-ηaηunη wapeko “Goine yoηore baka botiηgakiminη,” miku qaqaηi, ηirau fukekiminη ore maη-ηaηunη egu pakereiη. Niηo goine qaηi yareru noηunde mamananenoηunη so botiηgakiminη ine, Anutuji oi ηoneme so sagako buηonoηunη osoeru sanaηine mitariru ore so geoine odure noreiη. ² Oi iηi ore migo: Noηunη sosowoηi kadi buηo kokoine tirieegobeneη. Moηi namaηine siηaη garu buηo so tirieega, iηoji ηi kuririineke yobu fukega. Iηoji soine sanaηgaru gogoine sosowo onuakonη siηaη garu goiη.

³ Kanenηkuku (beosi) oi aηinoηunη reηganiminη ore eru aeη migokiki miyaηunηgo esorieru kiperu niginji poreru oo soine foriyaηunη soguine sosowo oi babotiη eyarebeneη raegobi. ⁴ Onuakonη ogâ yasogo ore mosiyaηunη manesuinebi. Ogâ goine oi yasogo yasogoyonη, jibu gbiiη sanaηineji oi kitiη yabebe koe petigaru raegobi. Yasogo yobu fukegobiyonη, oi jibu rarainere siηaηine kapten iηoji ogâ guruineo ηeku aηiine boyoberu stia (steer) qaqaηine mendaine iηo akonη babokiri eko ogâ yasogoji onu so kerisieru raega.

⁵ Namande fuηne oi onuakonη. Oi saki funoηunde mobeine mendaine fukegayonη, jibu soine buηo soguine fuηne fuηne oo sakinoηunη ba ropeku miegobeneη. Go yo manesuku goigoη:

Misi uuine mendaineηi tarieru rakaru soine yoηio gbedigaru gomeη yasogo yobu ja foreko wakina.

^f 2.23 Jen 15.6; 2 Hist 20.7; Ais 41.8 ^g 2.26 Jos 2.1-21

⁶Namañnoñunji oñuakon misi boruñ oñuine fukega. Oi saki funoñunde mobeine mobeine ore botuyañungo ñeku penaronde kukure mañgoine fukega. Oñu fukeko misi koru Rauineji sipaineo qureru oo puteko afaine akon manjoji gbedigaru jako mañine sosowo ketiqoti kejiçako gogoineji eeboboine sosowo oi wunuñ oñuine gobureiñ. ⁷Anutuji ya sosowo bofukeya, oi joma fuñne fuñne, webo me ya yukuyañungo keku keñgoñkeñgoñ egobi me koego gogobi, oi ñiñigoji bomunañ yabenimiñ ore so fukegobi. Goine oi keporeku bomunañ yabebi kaere joma fukegobi.

⁸Oñu fukegobiyon, namañnoñunji joma riganine oñuine fukega. Oi oraben nombe oñuineji pusekiine fukeru umumun oñuine ñiñ ñiñ oñgaku kinobeku bokome nobeiñgo ore jaueega. Ñiñigo sosowoji oi bomunañgaru kipenimiñ ore embimbiñgaegobi. ⁹Namañnoñunji Ofoñ Yesu eru Mama Anutu miteñ yapeegobeneñ eru aribe ñiñigo iñoyonunde mosi oñu bofuke yabeya, oi buño soweji kosa qaiso yabeegobeneñ.^h

¹⁰Namañ moakon oiji Anuture tina miteñ gaegobeneñ eru buño soweji goine qaiso yabeku miegobeneñ. O mañkekerisie ogopune, fuñneyañunji oñu peko so sagaga. ¹¹Obu jajaine eru mokiineke oi obu jiño moakon gone igomuruñgaru wapeegobire me mata? Oñu mata! ¹²O mañkekerisie ogopune, mañgan gone jomuru (sañ) oi soine fukeega me mata? Oñuakon geme yogone gudere soine fukeega me mata? Ore so obu wañine oi obu jiño jajaineone igomuruñgañgo embimbiñgaega. Oñu oi.

Mañboron foriine eru ikoine

¹³Ñoñore botugo moji mañboronke fukeru buño botiñgañ ore so fukega? Moji “Oñu fukega,” minimiñ ine, iñoji mañine oi mañboroninere so bawakiru mosiineji munañine eeboboine yaduko totogo fukeko ñonebeneñ sagaiñ. ¹⁴Oiji sagaiñyon, mañ-ñañungo manetiqotike fukeru manji roroñ eko mañririgan mokiineke maneru ñadiqoço eegobi ine, mañboron-ñañuñ ore so sakiñañuñ omaine yobu so ba ropenimiñ. “Buño foriine boyobegobeneñ,” miku ore foriine egu kesonñanimiñ. ¹⁵Yoñore mañboron oñuine oi morende mamane-muku. Oi Sombuñgone so wakiegayon, gemokaku yoñoji ñiñigo boburo yabebi mikabuñ Moro Tiriineji ore eru beusembe maneega.

¹⁶Uri yoñore mañyañunji manetiqotike fukeru manji roroñ eko mañririgan maneru ñadiqoço eegobi, yoñore gogoyañunji jiji bu popou eko mosi wuwunuñineke fuñne fuñne boyobeegobi. ¹⁷Oi boyobeegobiyon, mañboron Sombuñgone wakiega, ore fuñine fuñfunçaine oi eebobo gbagbataeñine. Mañboron gbagbataeñinere mosi goine oi iñi: Womoo gokiminde añi pe yareko munañine paiineo goine manjiñojoko eyareku buño ruru mañgo rakabi Moro Tiriineji mañ-ñañuñ puseko goine

^h 3.9 Jen 1.26

jonemaiŋ eyarebi maŋmamanenjaŋunde fori fiine fiine oi kokoine fukeega. Mipemiriŋ bokeru ŋiŋigo buŋoyaŋuŋ mobeine sowo so osoeru sakiji akon oogo so gogobi. ¹⁸Womoqoqo ŋiŋigoji womoo gonimiŋ ore maneru ore koruŋ saribi foriine eebobo poretiŋ fukeko seŋgiŋbaŋgiŋ goegobi. Onu.

Morende mamane-muku bokeru Anuture ogo fukeru goinebi.

4 ¹Wamo yaji jigo eru kekepari kesueko botuŋaŋuŋgo fukeega? Ŋoŋo-ŋaŋunde aŋi sanaŋineji bio pakoreru saki fuŋaŋuŋ sagako fiine eru sembene yokoji fufuru ekabire jigo eru kekepari fukeega. ²Ŋoŋo ya fuŋne fuŋne roniminde aŋi sanaŋine biabia maneegobiyon, oi ŋoŋore biŋe so fukeega. Yare ŋoneaŋi maneru anda eru maŋ-ŋaŋuŋgo jo jako ŋiŋigo yabebi komeegobiyon, jibu oi so roegobi. Ore eru kakane miku kekepari eku jigo qaegobi. Ŋoŋo Anuture so oŋga wosiru ŋoŋo-ŋaŋe omaine banimiŋ ore manegobi, ore eru oi so biŋe qoqo eegobi.

³Anuture oŋga wosiegobiyon, jibu oi yoore eru so roegobi: Maŋ-ŋaŋunji so poretiŋgame ya ŋareme oi bojiburu ŋoŋo-ŋaŋunde aŋiŋaŋuŋ sanaŋine sembene bomukuku saki fuŋaŋunde jeri enimiŋ ore maneru karieegobi. Oi so sagako Anutuji oi sabareega. ⁴O ŋoŋo jikiboti ŋiŋigo oŋu fukegobi. Ŋoe ŋonuŋ kadi poretiŋ bokeru boesau eegobi, ŋoŋo ore so Anutu bokeru maŋkekerisiere yauraine ŋiŋigo yoŋoke oogo eku moneŋ meboji akon maŋ-ŋaŋuŋ kiperu gogobi. Kamasi oŋu eru oo Anutuke rorosi eegobi. Oi mane mukugobi me mata? Ore eru moji maŋine morende aŋi sanaŋine sembene bomukuŋiŋ ore eega, iŋoji Anuture rosiine fukega.

⁵Biŋe Qurande buŋo mo oi iŋi quraŋgabi pega, “Moroine Tiriine maŋnoŋuŋgo rua noreme goga, Anutuji oi aŋiine sanaŋine oiji puseko goga.”¹ Buŋo oi omaine fuŋine tomiri oŋu egu manesunimiŋ. ⁶Buŋo oi omaine matayon, ŋoŋo ore so aŋiŋaŋuŋ poretiŋ Anuture enimiŋ ine, iŋoji yaŋuŋmoririine mokemoke yobu ŋareeiŋ. Ore eru Biŋe Quraŋ yo miku quraŋgabi pega:

“Anutuji sigopou ŋiŋigo kiso eyaregayon, maŋ-ŋaŋuŋ bawaki egobi, oi yaŋuŋmoriri ŋareega.”

⁷Ore so ŋoŋo maŋ-ŋaŋuŋ osoeru Anuture buŋo rurumaŋgo raru goinebiyon, Sembene Rauine kiso etebi boke ŋaberu useru rauseiŋ. ⁸Ŋoŋo Anutuke jojofo eku bembenŋo warekabuŋ iŋoji ŋoŋoke jojofo eku maŋfuŋ-ŋaŋuŋgo dimaiŋ. Agiburaŋ babi meŋaŋunji gobureme Yesure dariineji oi jureiŋ ore oŋga wosiinebi. Maŋ-ŋaŋunji pougako raqo-wareqo kosa ebi maŋ-ŋaŋunji kejiŋgako kekeririke ŋabeme gbagbataeŋine fukeniŋiŋ ore oŋga wosieinebi. ⁹Ŋoŋo tifaruruŋaŋuŋ mane mukugaru

¹ 4.5 Biŋe Quraŋ buŋo ore fuŋine mo oi iŋi, “Moro Tiriine maŋ-ŋaŋuŋgo ruame goga, iŋoji maŋjoko enoreinde aŋi sanaŋine maneru noŋunde ore manetiŋotike maneega.”

jin̄geŋ keku beusembe maneru jojoraku kuyoinebi. Goue kiwaqawaŋaŋuŋ bokeru kerisieru soguŋ bainebi. Jeriŋaŋuŋ bokeru beusembe mamane einebi. ¹⁰Iŋoŋo Ofonde jin̄oo babawaki ee ebi in̄oji romaen̄ ŋabein̄. Oŋu.^j

Maŋkekerisie ogopuŋaŋuŋ yoŋore buŋoyaŋuŋ so mitariinebi.

¹¹Maŋkekerisie ogopune, ŋadiqoqo buŋo so mimi eeku goinebi. Moji buŋo oŋu miku kison̄garu maŋkekerisie ogoinere buŋoine mitariga, in̄oji Anuture kadi buŋo mitariru ba waki ega. Go Anuture kadi buŋo mitariru qaŋaŋineo ruaru oŋuine oo oi so reŋgaegayoŋ, oi keoma eru eadubobo ŋi fukeru goge. ¹²Anutuŋi kadi buŋo mitiga noreru ore so buŋonoŋuŋ osoeru mitarime sibirigakimin̄ me ŋonemaŋ enoreko sen̄gin̄bangin̄ fukekimin̄. In̄oji akon̄ mimitari Raunoŋuŋ fukegayoŋ, go gakere “Mo fukego?” miku ogogo osoeru buŋoine mitariege? Oŋu.

Saki bobore siŋaŋ bobo buŋo

¹³Iŋoŋo kaje ruaniŋ! Goine ŋoŋo sakiŋaŋuŋ ba ropeku in̄i miegobi, “Niŋo muŋambe me yogo yo bokeru taŋ oi me oi oo raru rojiki-bajiki eru moneŋ yasogo poreru gosa moakon̄ gobeneŋ tariko oone kirieru warekimin̄.” Nonji ore eru in̄i ŋajibe maneniŋ. ¹⁴Gogonaŋuŋ yogo uruŋu gonimin̄, ŋoŋo oi so mane mukugobi. In̄oŋore gogonaŋunde fuŋne oi uruŋu? Oi ju kuande sogo damaŋ pompon̄ine yobu fukeru peku mataeiŋ. ¹⁵Ore eru ŋoŋo in̄i mibi sagaiŋ, “Ofonde maŋ aŋiineŋi noŋunde oŋu eko jin̄oke gonobeŋ ine, oŋu oŋu eru rokimin̄.” ¹⁶Oŋu so miegobiyon̄, omaine yobu jauba-irin̄birin̄ eru ŋoŋo-ŋaŋunde sakiŋaŋuŋ ba ropeku miteŋ gaegobi. Eebobo sosowo oŋuine oiji sembene fukega.

¹⁷Buŋone mitaribemiŋ ore eru in̄i migo: Moji mosi fiine eku baiŋ ore fuŋine mane mukuru oi so eku baiŋ, in̄oji agiburaŋ ega. Oŋu.^k

In̄in̄igo meboyaŋuŋke yoŋore siŋaŋ bobo buŋo

5 ¹O in̄in̄igo meboyaŋuŋke, ŋoŋo kaje ruaru buŋone yo maneinebi: Suroŋqoqo joiserereŋ pain̄aŋuŋgo ropein̄, ore eru bibi esorieru oŋga jojoraku kuyoinebi. ²Moneŋ meboyaŋuŋji gorega forega. Kakara eru wofu yoŋoji kambaŋ marikuŋaŋuŋ kitiqoti eku goegobi.^l

³Iŋoŋo damaŋ tatariine yoo pi, kare (car) eru mebo goine goul, silwaji babaine oi paio paio roru qojuŋgabi pega, oi jukuwiji kema foreko kufeŋ baku pega. Kufeŋ eru jukuwi oiji munaŋ moge oŋuine peku fuŋneŋaŋuŋ damaŋ tatariine yoo in̄i yaduŋ: In̄oŋo gogonaŋuŋ moneŋ meboo kiperu bojiqojibi jaŋgaru mataeme sibiriganimin̄. Kufeŋ eru jukuwi oiji jo boruŋ oŋuine saki fuŋaŋuŋ oŋuakon̄ jo forein̄. ⁴Iŋoŋo yo manesuinebi: Gio bobo in̄in̄igo gioyaŋuŋgo kiobambaŋaŋ baku kofu eru wou qin̄in̄ unugaru

^j 4.10 Qoq 3.34 ^k 4.17 Qoq 27.1 ^l 5.2 Mat 6.19

gobuŋ, ŋoŋoji yoŋore furiyaŋuŋ oi dukuŋ paiineo sabarebuŋ. Ŋoŋo yoŋore kuyo ŋunuŋ-ŋunuŋyaŋuŋ manegobi me mata? Kuyo wosiyaŋuŋ oiji Ofonŋ Anutu, usuŋ sosowore Rauinere kajeineo raka foreko manega.^m

⁵Ŋoŋoji moreŋgo yo ya fuŋne fuŋne jiŋorara biŋe qa ŋareru batiqatiine tomiri goku saki fure jeribari eku aŋiŋaŋuŋ bobomuku eeku gobuŋ. Morende jijiineji kipe ŋabeko jebe kokoine kosa ruaru kanenji nonone taki tomiri noku gobuŋ. Anutuŋi buŋoŋaŋuŋ mitarime ŋabebi komeniminde damaŋyaŋuŋji ware maigaiŋ, damaŋ ore jaueru jijiŋaŋuŋke fukeru gogobi. ⁶Ŋiŋigo bakare buŋoyaŋuŋ tomiri ŋoŋo so kiso eŋarebi jibu buŋoyaŋuŋ mitariru kosa yabebi komeku gobuŋ.ⁿ Oŋu.

Yobiŋ maneku karieru osigaru oŋga wosiru goinebi.

⁷O maŋkekerisie ogopune, ŋoŋo Ofonji wareiŋ ore odigaru damaŋ botuine yoo maneku karieru yobiŋ osigaru dimainebe. Oŋu dimaku sasari ŋire kamasiine oi manesuinebi: Iŋoji uqo munjaŋ moreŋgo sariru dimaku foriine furiine ropekiine fukeiŋ ore yameŋ keku odigaega. Yameŋ keku odigaru goko kue pasega damaŋineo wareko moke odigame kueyoiko damaŋineji ware fukeega. ⁸Ŋoŋo oŋuakonŋ yobiŋ osigaru maneku karieru dimainebe. Ofonji moke wareiŋ ore damaŋineji bembengaga ore eru maŋ-ŋaŋuŋ qojuŋaru qiŋ qaku dimainebe.

⁹O maŋkekerisie ogopune, Anutuŋi buŋoŋaŋuŋ mitarime yobiŋ egu bofukeniŋiŋ ore ŋoŋo-ŋaŋunde botugo buŋo mikesonŋ eku maŋ-ŋaŋuŋgo ŋunuŋ-ŋunuŋ so mimi eku goinebi. Maneniŋ, mimitari Rauineji bombengaru mendigo dimaga. Oŋu. ¹⁰Maŋkekerisie ogopune, kajeqouŋ ŋiŋigo yoŋoji ronekonŋ Ofonde tinao Biŋe buŋo mikabuŋ sisikonŋkonŋ eyarebi maneru jibu maneku karieru yobiŋ osigaru yameŋ keku gobuŋ. Ŋoŋo yoŋore kamasiyaŋuŋ manesuku kufu kadiyaŋuŋ boyoberu goinebi. ¹¹Goineji yameŋ keku yobiŋ osigaru goku gbiŋ ebuŋ, niŋo yoŋore “Ii-ia kiwaqawaineke!” migobeneŋ. Ŋi tinaine Job (Hiobe) iŋoji sisikonŋkonŋ maneru jibu yameŋ keku gbiŋ eya, oi manegobi. Gbiŋ eme tatariineo Ofonŋ ŋonemaŋ Rauine fukeru ŋone noberu embonŋ eega, iŋoji seŋgiŋbaŋgiŋine oteme goya. Ŋoŋo oi manesuinebi. Oŋu.^o

¹²O maŋkekerisie ogopune! Buŋo koruŋ ropekiine mo yo mibemiŋ. Ŋoŋo buŋo oi me oi minimiŋ, oi mimipaŋ buŋoo iŋi so misanaŋgainebe, “Buŋone foriineke so fukega ine, Sombuŋ Rauineji soine yobiŋ ruame paineo ropeiŋ me morende gemokakuji moreŋ bopogame koru roru kema nuigoŋ.” Buŋo oi me mimipaŋ buŋo goine oŋuine oo buŋoŋaŋuŋ so misanaŋgainebe. Oŋu matayoŋ, oŋ-buŋore maneru “Oŋ!” oi akonŋ miinebi

^m 5.4 Dut 24.14-15 ⁿ 5.6 Buŋo ore fuŋine mo oi iŋi: Ŋoŋo ŋi bakare buŋoine tomiri jibu buŋoine mitariru qabi komeya, iŋoji ŋoŋo moke so qomuku ŋabeea. ^o 5.11 Job 1.21-22; 2.10; Kiki 103.8

eru mata-buŋo ore “Mata!” miinebi. Igoko burure buŋo mibi Anutuji buŋoŋaŋuŋ mitariru geoine bokirieme painaŋuŋo ropeiŋ. Oŋu.^p

Mamanesiŋ paiineo oŋga wosibi foriine fukeiŋ.

¹³Maŋkekerisie ŋiŋigo ŋoŋoreone moji qapeqawakike goga ine, iŋoji Anutu oŋga wosiine. Moji jerio goga ine, iŋoji kiki keku Anutu miteŋ gaine. ¹⁴Iŋoŋoreone moji jibe bame goga ine, iŋoji maŋkekerisie kufufunde minebobo furu yabeme wareru Ofonde tinao jiji sakiineo rau teru iŋo oŋga wosiinebi.^q

¹⁵Mamanesiŋ paiineo oŋga wosibi Ofonji ŋiŋigo jibeke oi munaj qa teko fiaru moke pakereiŋ. Agiburaŋ eku jibe bofukeya ine, Anutuji agiburaŋine oi jureru bokeiŋ.

¹⁶Oŋu fukeko Anutuji munaj qa ŋareko fianimiŋ ore agiburaŋ-ŋaŋuŋ mimifuke eru Anutu oŋga wosieinebi. Iŋiŋigo posiine moji maŋine qojuŋaru Anutu oŋga wosiin, ore foriineji qembibiineke eru usuŋineke fukeiŋ. ¹⁷Ore sosoine mo oi kajeqouŋ ŋi tinaine Elaija. Iŋoji moreŋ ŋi noŋuŋ oŋu goya. Iŋoji kue so wareiŋgo ore maŋine qojuŋaru yameŋ keku oŋga wosiko kueji gosa yokaomo eru kaiŋ 6 ore maŋineo moreŋgo so wakiya.^r ¹⁸Damaŋ oi tariko moke oŋga wosiko qonikiŋ gobureko kue keku pasega bako uqo munaj moke rekagari fukeya. Oŋu.^s

Moji tiŋtuŋ rako ogoineji bapigako sagaiŋ.

¹⁹Maŋkekerisie ogopune, ŋoŋoreone moji buŋo foriinere fuŋne tiriru tiŋtuŋ rako moji oi bofukeru kadi furoineo moke ogagaru ruaiŋ ine, ²⁰ore eru iŋi manesuinebi: Agiburaŋ ŋiŋigo moji tiŋtuŋ kadiineo rako ogoineji oi oone ogagame maŋine wirieko moke kerisieŋ, iŋoji kome sanaiŋine so komeiŋ. Ogoineji oi misi korugo egu rakaiŋ ore sabare teko Anutuji agiburaŋine boakoŋ oi jureru kefagaiŋ. Oŋu.^t

^p 5.12 Mat 5.34-37 ^q 5.14 Mak 6.13 ^r 5.17 1 Kiŋ 17.1; 18.1 ^s 5.18 1 Kiŋ 18.42-45
^t 5.20 Qoq 10.12; 1 Pi 4.8